

ما لا تعرفه عن الجنة _ درس من الأحلام ستخرج منه مشتاقا للقاء
البر الرحيم _ الطور(9_82) _ مدرسة الذاريات

علاء حامد

الحمد لله وأشهد أن لا إله إلا الله وحده لا شريك له وأشهد أن محمداً عبده ورسوله صلى الله عليه وسلم. أما بعد أهلاً ومرحباً بكم في لقاء جديد - 00:00:00

في مدرسة الزيارات. مدرسة الزيارات زي ما اتفقنا ان احنا بنتعلم ونتأدب ونتربي بجزء الزيارات. سور الزيارات والطور والنجم القمر
والرحمن وكل سور جزء الطور آآ جزء الزيارات الى انتهاء بسورة الحديد فعلا اللي هيكمـل - 00:00:20

معنا ساجد فعلا انها مدرسة تربوية متكاملة. فعلا يعني يعني مش هتتعرفوا حجم الفوائد اللي فيها الا لما نوصل لآخر درس فلازم ان احنا نكمل مع بعض. لآخر درس. اتعدونا خلاص عرفنا ان احنا المنهج بتاعنا. ان احنا بناخد كل مرة - 00:00:40

صفحة كاملة من آآ جزء الزيارات. آآ مدارسة تلاوة. آآ ونتفق مع بعض على ان احنا نعمل بها نتديبرها كويس نحولها الى عمل ناخد قرارات على اساسها نصل بها. طبعا بعد ما نحفظها. هنحفز ونصل، ونتدبر ونعم، ونتغير - 00:58:00

ونسأل الله سبحانه وتعالى التوفيق وان يجعل القرآن العظيم فعلاً رباع قلوبنا وحجة لنا لا علينا. المرة اللي فاتت آآخذنا الصفحة الثالثة من الجزء الزيارات وانتهينا الى الى بدأنا في اول سورة الطور واخذنا اول سورة الطور مجرد القسم والطور وكتاب مستور في رق منشور والبيت - 00:01:18

المعمور والسفق المرفوع والبحر المسجور ان عذاب ربك لواقع ما له من دافع. وافنى عند قوله تعالى ما له من دافع وهنبدأ بازن الله تعالى التهاردة ناخد ايه الصفحة الرابعة من هذا الجزء وهذه السورة المباركة والجزء المبارك وهي الصفحة الثانية في سورة الطور

لقوله تعالى يوم تمور السماء مورا. الى قوله تعالى انه هو البار الرحيم. كالعادة هنبدأ بقراءة الايه؟ اللي علينا النهاردة ونستعين بالله سحانه وتعال منتهى علىه ف تدب الفهائد واستخراج العما وده اهم حاجة هـآهنـقـأـيـازـ الله تعالـ دلهـقـتـ بـمـدـ المـنـفـصـاـ

عشان الناس اللي بتحفظ يبقى معها حتى التلاوة آآ مع الايه؟ مع التفسير. وربنا يتقبل منا ومنكم اعوذ بالله من الشيطان الرجيم يوم
تمور السماء مورا. وتسيير الجبال سيرا الذين هم في - 00:02:19

هذه تكذبون فسحر هذا ام انتم لا تبصرون. يصلوها فاصبروا افسحر هذا ام انتم لا تبصرون يصلوها فاصبروا او لا تصبروا سواء عليكم انما تجزون ما كنتم تعملون. ان المتقين في - 00:02:55

فاكهين بما اتاههم ربهم ووقاهم عذاب الجحيم كونوا واشربوا هنئا بما كنتم تعملون. متكئين على سرر وزودناهم بحور عين.
والذين امنوا واتبعتهم ذريتهم بآيمان الحقنا. الحقنا به وما التناهن من عملهم من - 00:03:52

كل امرى بما كسب رهين. وامددناهم بفاكهة يتنازعون فيها كأسا لا لغو ويطوف عليهم غلمان لهم كأنهم واقبل بعضهم على بعض
يتساءلون قالوا انا كنا قبل فيه اهلنا مشفقين فمن الله علينا ووكانا عذاب السوم. انا كنا - 00:04:47

هذه الاية الكريمة التي قرأتناها كنا توقفنا في القسم المرة اللي فاتت. وذكرنا الكلام في مسائل تفسير اهل العلم والخلافات. في بعض
الايه الطور ونحو ذلك وقفنا عند قوله تعالى يوم تمور السماء مورا. هنا انتقل الكلام الى وصف. وصف للايه - 00:05:52

وصف للدار الاخرة والاحوال اللي تحصل فيها. احنا قلنا ان السورة مكية. تمام؟ سورة مكية يعني عادة هيكون مدارها حوالين المواضيع الاساسية في الصور المكية زي اسبات البعث. واثبات العقائد والرد على المشركين واسبات الرسالة واسبات القرآن والكلام

دوت - 00:06:27

وطبعا المقدمة اللي بدأت بها السورة كلها حاجات عظيمة. ربنا بيبيين قدرته في خلق آآ الطور والبحر ونحو ذلك هنا الامور اللي اقسم ربنا بها اللي هي تدل على قدرة الله تعالى على البعث. لذلك ان انتقل الى الى اقرار الحقيقة - 00:06:46

ان عذاب ربك لواقع ما له من دافع ثم آآ بدأ الكلام على تصوير ما سيحصل في هذا اليوم فقال تعالى يوم تمور السماء مورا. يوم تمور السماء مورا. ما معنى يوم تمور السماء مورا؟ عندنا هنا الكلام - 00:07:06

يوم تمور السماء مورا. البعض قال يوم تمور يعني يوم تتحرك. تمام؟ والبعض قال يوم تمور يعني يوم آآ ان تتحرك حركة فيها دوران فيها دوران واضطراب. تمام؟ يبقى زود كلمة هنا. والقول الثالث يوم - 00:07:24

امور يعني يوم تتشقق. حلو. يبقى احنا عندنا تلات اقوال قول قال تتحرك بس. والقول الثاني قال تتحرك حركة فيها اضطراب ودوران وحركة فيها دوران واضطراب. القول الثالث ان تمور بمعنى تتشقق. طيب احنا عندنا دلوقتي اقوال الاول دايما في لما يحصل خلاف بين اقوال السلف بنسائل نفسنا الاول هل الخلاف ده - 00:07:44

خلاف خلاف تنوع ولا خلاف تضاد؟ يعني ايه خلاف تنوع؟ يعني كل الاقوال ما فيش تعارض اصلا ما بينها واما خلاف التضاد هو الخلاف اللي بيكون فيه تعارض بين الاقوال وبالتالي هاحتاج ان انا اقول والله الراجح كذا او القول ده هو الصواب والقول ده لا ففي راجح ومرجوح - 00:08:08

لكن لما يبقى الخلاف خلاف تنوع ما يلزمش ان انا ارجح احيانا بيبقى الاقوال اية تحتمل جميع الاقوال. طيب هل الخلاف هنا نوعه ايه خلاف تنوع ولا تضاد الخلاف هنا خلاف - 00:08:28

تنوع يعني الاقوال دي مش متعارضة اصلا. تمام لان الحركة هي واحد قال تتحرك. الثاني قال تتحرك حركة فيها اضطراب ودوران ان هو زود في المعنى شوية. والقول الثالث قال تتشقق اكيد بعد - 00:08:40

الحركة اللي فيها اضطراب ودوران ديت هيحصل نوع من التشقق طيب ايه سبب الخلاف؟ سبب الخلاف ان كل قول من اقوال المفسرين خلي نزرة يعني اللي قال تتحرك اتكلم عموما الحركة لان تمور بمعنى تتحرك - 00:08:54
واللي قال تتحرك حركة فيها اضطراب وفيها دوران بص لان كلمة تمور فيها معنى زائد عن مجرد الحركة. يعني تمور مش معناها تتحرك بس. لأن حاجة آآ زيادة عن مجرد الحركة يعني حركة مش تبقى حركة بس لا حركة فيها اضطراب ودوران. آآ بيشبهوها بحركة الاهي؟ النخلة لما ايه؟ لما ريبة - 00:09:10

تحركها. نخلة تنزل كده وترجع تتكتف كده. ترجع وتنزل وترجع. ممكن نخلة تتكتسر في الحالة دي. صح وده اللي حصل في القول الثالث. القول الثالث هو الحقيقة اللي قال تتشقق - 00:09:33

وتتشقق مش معنى اللغوي لتمور لكن هل تتشقق فالصرع زي ما نقول كده تفسير باللازم يعني ايه تفسير باللازم؟ يعني هي هتتحرك. هتتحرك حركة فيها اضطراب ودوران. طب متوقع يحصل ايه؟ متوقع يحصل ان هي تتشقق - 00:09:47
فهنا ده مش تفسير بمعنى تمور يعني تمور في اللغة مش معناها تتشقق لكن يلزم من هذه الحركة السماوية اللي فيها اضطراب ودوران وتكفؤ. ان هي هتتشقق في النهاية. خاصة ان في ايات - 00:10:07

تانية ذكرت التشقق خصوصا كقوله تعالى ازا السماوي انشقت ويوم تشدق السماء بالغمام. يبقى ده معنى يوم تمور السماء ما وراء ثم قال تعالى وتسير الجبال سيرا. بص هنا تسير الجبال سيرا ده اسمه مفعول مطلق ليؤكد ان هو سير حقيقي. مش مجرد مجاز - 00:10:23

لا تسير الجبال سيرا فعلا سيرا حقيقيا. وتسير الجبال سيرا. كما قال تعالى وسيرت الجبال فكانت ايش؟ فكانت فكانت سراة. الحقيقة الموضوع ده بيفتح لنا يعني كلام في موضوع الجبال. على اعتبار - 00:10:45

ان الجبال بالزات ذكرت في القرآن في عدة مواضع وبيحصل دايماً اه اه ان انت بيتبس عليك احياناً الفهم لان ربنا
ذكر الجبال في موضع ان هي تدك. وفي موضع ان هي تكون كثيباً مهيلاً وفي موضع النية هباء من - 00:11:04

وفي موضع ان هي سيرت وفي موضع ان هي كالعهن المنفوش. وفي موضع ان هي نسفت فانت هو ايه اللي هيحصل؟ يعني يعني
ايه اللي هيحصل في الجبال؟ هي تنفس ولا تدك ولا هتكون هباء ولا ه تكون كثيباً ولا ه تكون عهن منفوش؟ خد بالك - 00:11:25
الآيات اللي ربنا ذكر فيها احوال الجبال هي الكلام ما فيه مشكلة اصلاً ولا فيه اي تعارض لان كل اية بتتكلم عن احد المراحل.

يعني مجموع الآيات اللي اتكلمت على الجبال هي بتتصور لك المراحل اللي هتحصل فيها الجبال - 00:11:43

تعالوا نمسك مرحلة مرحلة. المرحلة الاولى اللي ذكرت في سورة الحاقة كما قال سبحانه وتعالى وحملت الأرض والجبال ها اول
حاجة فدكتا دكة واحدة. حملت الأرض والجبال فدكت دكة واحد يبدأ اول مرحلة تدك الأرض وتدك الجبال. تمام؟ ببقى دي
المرحلة الاولى. المرحلة الثانية في سورة المزمل قوله تعالى - 00:11:59

وكانت الجبال كثيباً مهيلاً. يعني الدك يستمر الدك لغاية ما يبدأ ان الجبال تتفتت الى قطع صغيرة. لغاية ما توصل ان هي تتفتت
لدرجة ان اكبر حنة فيها زيهدى قد الرملة. يعني ايه كثيبر مهيل؟ الكثيبر عارف الرملة لما تبقى في جبل رملة كده - 00:12:23

ورملة حط ايدك كده فيها تلاقي الرملة ايه نزلت كده. ده بيسموه كثيبر يعني رمل مهيل يعني ايه بيهيل كده يعني بينزل فالجبل
الجبل اللي انت شايفه ده يفضل يدك لغاية ما تبقى اكبر حنة منه قد الرملة وبالتالي ده هو شكله جبل بس هو في الحقيقة لو لو انت
بس عملت كده - 00:12:44

هتلاليه نزل معك زي الكسيب المهيل. ببقى ده المرحلة الثانية. المرحلة الثالثة لان يستمر الدك اكتر. كمان يعني هي كمان هيحصل
اقل من كده اه. المرحلة اللي ذكرت في سورة الواقعة ودي هتتيجي معنا ان شاء الله. قول قوله تعالى - 00:13:02

الجبال بستة فكان هباء منبتاً. ياه يوصل للدرجة دي ان اكبر قطعة في الجبل هتبقى زي الهباءة. ايه الهباءة دي اصغر من الرملة.
حاجة اصغر من من حبة الرمل. عارف لما تفتح الشباك كده الصبح ويخش كده شعاع الشمس بتلاقي فيه حاجات بتلعلع كده في -
00:13:18

الشمس دي مش بتشفها بالعين المجردة. يعني مش بتشفها من غير الشعاع. هي بتبان بس جوة شعاع الشمس من دقة هزه الاشياء
بتلاقي حاجات كده ماشية كده في شعاع الشمس. الواحدة من هزه الاشياء بيسموها ايه؟ هباءة - 00:13:38

تخيل الدك يوصل للجبل ان اكبر قطعة فيه تكون زي الهباءة ديت هباء ايه؟ منبتاً. وبعد كده طبعاً لما الجبل بقى كده بقى خلاص يعني
هو هو شكله لسه جبل بس في الحقيقة وبقى ولا حاجة - 00:13:51

كده ربنا وصفه بقى في سورة الایه؟ القارعة. قال وتكون الجبال كالعهن المنفوش. العهن اللي هو الصوف. المنفوش منفوش. يعني
فبقي الجبل يعني انت لو ايدك فيه بقى عامل زي ما بتحط ايدك في صوف هو ما فيش حاجة - 00:14:05
هو منفوش بس زي ما بنقول كده منفوش على الفاضي. لكن ما فيش ما فيش ما بقاش قوي ما بقاش صلب زي الاول. بقى
عامل زي الصوف كده - 00:14:18

بقى فيه رخاوة زي الصوف من شدة الدك اللي حصل فيه. المرحلة اللي بعد كده قال تعالى وسيرت الجبال فكانت سراباً. سيرت يعني
تبتدى الجبال من مكانها وتبقى انت شايفها كانها فعلاً سراب. تحسه جبل بس هو خلاص لم يعد لم يعد فعلاً جبل. وترى الجبال تحسبها
جامدة. وهي تمر ايه - 00:14:27

مر السحاب صنع الله الذي اتقن كل شيء. وهنا ربنا قال ويوم تمور السماء موراً وتسير الجبال ايه؟ سيراً فدي ايه دي المرحلة. بعد ما
كده اخر مرحلة اللي ربنا وصفها في سورة طه قال تعالى وآأ ويسألونك عن الجبال فقل المرحلة اللي بعد كده الجبل يتنسى -
00:14:49

تماماً ويتسوى بقى بالارض. فقل ينسفها ربى نسفاً. فهذا نوعها ايه؟ قاعاً صفصفة. خلاص الجبل يتتساو بالارض قاعاً صفصفاً
لا ترى فيها عوجاً ولا انت لا فيه حنة مرفوعة ولا حنة نازلة ولا حنة طالعة كلها اتساوي بكله. وهذا يدل على القدرة الرهيبة يعني كل

يا جماعة المفروض بتتحول عنك الى يعني خوف من الله سبحانه وتعالى الى رهبة من الله سبحانه وتعالى الى اعداد لهذا اليوم الرهيب اللي تمر فيه وتشقق فيه السماء وتتحرك فيه الجبال وتدكي الجبال انت اضعف من ان انت - 00:15:29

تعصي ربنا. انت اضعف من انت يعني يعني تقف امام الله موقف صعب يوم القيمة انت اقل بكثير من الجبل. ومن السما انك لن تخرق الارض ولن تبلغ الجبال طولا. وتسير الجبال سيرا. عشان كده ربنا بعدها خوف. قال فوويل - 00:15:47

يومئذ للمكذبين. اه اللي كدب بالبعس اللي كدب بالجزاء اللي اعمالهم كانت فاسدة الذين هم في خوض يلعبون. الذين هم في خوض يلعبون. وصفهم ان سبب آآ تكذيبهم انهم في لهو - 00:16:05

ودائم وباطل دائم وخوض دائم في الباطل وبالتالي آآ عاب عليهم هذا اللهو واللعب الذي صدهم عن الحق. وهنا اللاعب اللي بيصد عن الحق اللي بيلهي الانسان عن الحق وليس كل لعب والا فيه لاعب مباح وفيه لاعب كمان ممكن بالنسبة يبقى لاعب آآ آآ - 00:16:22

آآ مستحب زي لعب الانسان مع اولاده. لعب الانسان مع زوجته ونحو ذلك اما اللاعب الذي ينهي عن الله يلهي عن الدار الاخرة يلهي عن العبادة يلهي عن الصلاة يلهي عن ذكر الله هزا لعب مذموم. الذين هم في خوض خوض - 00:16:42

باطل يعني باطل او يكون اللعبة نفسها حرام. او يكون اللعبة فيها فساد او اللعبة تؤدي الى الغفلة او تؤدي الى الافساد بين الناس الذين هم في خوض يلعبون هيحصل فيهم ايه دول يا رب - 00:16:59

قال يوم يدعون الى نار جهنم دعا. نسأل الله السلامة والعافية. الدعا يا جماعة هو الدفع بشدة وقوه. يعني مش يوم القيمة مش عامل معاملة يعني معاملة صعبة جدا. الملائكة يعني تمسكه تدفعه. تسحبه. تمام؟ تسوقه ونسوقه - 00:17:12

مش بص للمتقين يوم نحشر المتقين للرحمه وفدا ماشي كده لا ماشي ومتشار كده على النجائب والملائكة بتقول له هذا يومكم الذي كنتم توعدون الثاني بقى ونسوق المجرمين الى جهنم واردا. يوم يدعون الى نار جهنم ايه؟ دعا دع هو الدفع بالقوة وشدة - 00:17:32

لذلك ربنا قال فزلك الذي يدع اليتيم يدفعه بقوة وشدة. نفس الكلام يحصل في يوم القيمة بس من الملائكة وما ادراك ما دعوا الملائكة كما قال سبحانه وتعالى في سورة الدخان خذوه فاعتلوه - 00:17:52

الى سوء الجحيم يعني الى وسط الجحيم. يعني ايه فاعتلوه؟ قالوا العدل هو الاخذ بقوة وشدة. يتشارل زي ما بيقول كده بيتمسح به الارض. سبحان الله يعني فسائل الله السلامة والعافية. يوم يدعون يدعني يعني يا ريت هو دفع بقوة بس. هو الدفع بقوة ده رايح فين في الآخر - 00:18:06

يوم يدعون الى نار الى نار جهنم دعا. مش بس يعني يا ريته بس بيتشد بقوة ويتمسح به الارض. ولكن بعد كده يلقى سوء في الجحيم نسأل الله سؤال الله السلامة والعافية الى نار جهنم دعا ثم يقال لهم على سبيل الاستهزاء وعلى سبيل التوبیخ - 00:18:24

والتقريع هذه جهنم قال يقول لهم الملائكة ويوبخونهم ويقرعونهم هذه جهنم التي كنتم بها تكذبون. اه الان انت تصلكها الان انت تذوقها الان. هي دي جهنم اللي انت كدبت بها. يا جماعة اللي مصدق ان في جهنم ما يعصيش ربنا. اللي مصدق في جهنم مفروض بيان عليه. لكن - 00:18:44

اللي بيكتب بجهنم هو دوت اللي بيكتب وبيفجر وبيعمل اللي هو عايزه خلاص بقى آآ بل يريد الانسان ليفجر امامه. يعمل ايه؟ يسأل ايان يوم القيمة. يستبعد يوم القيمة. وبالتالي هي عمل اللي هو عايزه. اما المؤمن كما سيأتي الان - 00:19:09

في الايات انا كنا قبل في اهلا ايه؟ مشفقين. الخوف من النار جعل الانسان يستقيم. انا كنا من قبل ندعوه لتعبده يعني نعمل الصالحات هل انت مؤمن فعلا بدار الاخرة ايمان قوي حقيقي؟ ولا كلام والافعال ما تدلش على كده؟ ربنا قال ويل للمطهفين. الذين اذا اكتالوا على الناس - 00:19:24

يستوفون. واذا كالوهم او وزنهم يخسرون ثم قال الا يظن اولئك انهم مبعوثون. يعني اللي بيطفف في الميزان اللي بيكتب اللي بيغش

اللي بيخدع انت مؤمن بالله والدار الاخرة مش باین عليك. افعالك لا تدل على ذلك - [00:19:47](#)
وويل يومئذ للمكذبين. ثم قال تعالى الذين هم في آآ قال سبحانه وتعالى هذه جهنم التي كنتم بها تكذبون. ثم يقال لهم افسحوا هذا ده السحر لما كنتم تقولون على الكلام النبي عليه الصلاة والسلام سحر كنتم بتقولوا على الوحي سحر. هو ده ايه رأيكم سحر ده ولا حقيقة - [00:20:02](#)

هذا سحر ده هو واقع حقيقي؟ افسحر هذا ام انتم لا تبصرون ما اصابكم العمى فصرتم لا تبصرون ام انتم لا تبصرون. تمام؟
افسحر هذا؟ ام انتم لا تبصرون الحقيقة؟ انهم - [00:20:25](#)

ابصارهم بل عميت بصائرهم وعamuوا عن رؤية الحق. وكانوا في عمى في الدنيا عن الحق. حتى ادركوا الحق في وقت لا ينفعهم فيه ادراك الحق هم هيقولوا زي ما ربنا قال في سورة السجدة ربنا ابصرنا وسمعنا. ربنا ايه؟ ابصرنا وسمعنا فارجعوا - [00:20:42](#)
نعمل ايه؟ صالحان ايه؟ موقون ما ينفعش خلاص الان لا ينفعك الادراك. لا ينفعك البصيرة ولا البصر. لا ينفعك ان انت تؤمن الان. هذا يوم لا ينفع نفسا ايمانها. لم تكن - [00:21:03](#)

امنت من قبل او كسبت في ايمانها خيرا وبالتالي امته ينفع كل العمل قبل الموت الحق انت فيك حياة الان. الحق انت انت فيك في وقت الان في اعمل صالحان قبل الا تعمل وقبل الا يقبل عمل. قبل - [00:21:18](#)

اليوم يقبل مثقال الذرة. وغدا لن يقبل ملء الارض ذهبا. اذا افتدى به يعني الانسان يوم القيمة سحر هذا ده سحر ده انتم لا تبصرون؟ اصلوها والصلبي هو الانسان يخش بكله. كله كده يخش النار. يقال يصلى. يصلى عندما النار تغطيه وتحيط به من كل جانب. يصلى - [00:21:37](#)

ان يشوى فيها يعني يحرق فيها احرaca. اصلوها فاصبروا او لا تصبروا. سواء عليكم. يعني سواء صبرت او لم تصبر وطبعا لا احد يصبر ولا يستطيع احد ان يصبر على نار جهنم - [00:22:01](#)
اصلوها فاصبروا اولى فاصبروا سواء عليكم. يعني عذابكم لا ينتهي. عذابكم لا ينقطع التجلد لا يفیدك. بمعنى الانسان في الدنيا ممكن يتعرض لنوع من العذاب. تمام فيصبر عليه او يتجلد يحاول ان هو قوي ويحاول ان هو ما يتالمش قدام اللي بيزلمه - [00:22:17](#)

لكن في النار مش هيقدر لكن في النار ما حدش يقدر يتجلد على عذاب الله تعالى. يكون قوي قدام عذاب الله. او يتحمل او ان هو بيбин ان هو مستحمل - [00:22:41](#)

لا تدعوا اليوم ثبورا واحدة وادعوا ثبورا كثيرا وضعوا ثبورا كثيرا اصلوها فاصبروا او لا تصبروا. سواء عليكم. في جميع الاحوال انت خالدون فيها. لن تخرجوا منها ابدا. دائم العذاب دائم لا ينقطع عنكم. ولا يفتر - [00:22:54](#)
بل يزداد كلما خبت زدناهم سعيرا سواء عليكم انما تجزون ما كنتم تعملون. ما كنتم تعملون ثم قال تعالى ان المتقين في جنات ونعميم. الله اكبر. فيه من المتقين فين؟ في جنات. جنات يا جماعة مش جنة واحدة. اولا ادي اول طلعة كده - [00:23:15](#)
يقين في جنات. جنات ونعميم ليه ربنا قال بعد الجنات النعيم البعض بيقول كلام مهم جدا بيقول لي ان الجنة مش مش بس هي الجنات لان كلمة جنات هتوحبي لك بالنعيم المادي اكتر - [00:23:41](#)

اللي هي البساتين بقى والايده والحدائق والانهار والكلام دوت لكن في حاجة في الجنة اسمها النعيم بقى. يعني يعني نعيم امر اوسع من مجرد الجنات المادية هناك انواع من النعيم عند اهل الجنة - [00:24:00](#)

قد يفوق بل يفوق فعلا النعيم المادي الحسي نعيم اهل الجنة بلذة النظر الى وجه الله تعالى. هذا اعلى نعيم اهل الجنة نعيم اهل الجنة برؤية الانبياء ورؤية محمد عليه الصلاة والسلام - [00:24:17](#)

نعميم اهل الجنة بانه نزع من قلوبهم الغل والحسد والتباغض نعيم اهل الجنة بانهم يلتقطون في سوق الجنة نعيم اهل الجنة بانه يردون اولادهم في الجنة. زي ما حياتي والذين امنوا واتبعتهم ذريتهم بایمان الحقنا - [00:24:37](#)
بهم ذريتهم. نعيم اهل الجنة بانه زهب عنهم الحزن وزهب عنهم الكدر وزهب عنهم التعب. الحمد لله الذي اذهب عنا الحزن. ان ربنا

لغفور شكور. الذي احلنا دار المقام من فضله لا يمسنا - 00:24:57

يا نصب ولا يمسنا فيها لغوب نعيم اهل الجنة لأنهم امنون من الموت وهذا والله نعيم. نعيم اهل الجنة ان ما فيش حاجة خايف منها.

لا خايف من المستقبل ولا خايف من الموت ولا قلقانة على والاده ولا قلقانة على اكل عيشه. ولا قلقانة على رزقه - 00:25:14

وخلالص ان المتقيين في مقام امين الامن التام الامان التام. لهم دار السلام. نعيم اهل الجنة بانهم يسلموا من التعب والمرض. والكبر

والهرم كل المشاكل ديت كده الموضوع اكتر من مجرد الجنات الحسية. ان المتقيين في جنات - 00:25:33

ونعيم ثم قال سبحانه وتعالى فاكهين بما اتاهم ربهم ووقاهم عذاب الجحيم فاكهين قالوا فيها قولين القول الاول فاكه يعني

مسرور سعيد كما قال سبحانه وتعالى واذا انقلبوا الى اهلهم انقلبوا فاكهين يعني مسرورين سعادة - 00:25:55

تمام؟ فاكه بمعنى مسرور وسعيد. ده ده المعنى الاول. فاكهين المعنى الثاني فاكه يعني عنده فاكهة كثيرة كما يقال تامر لمن عنده

تمر ولاب لمن عنده فاكهة. فاما يكون المعنى بس الاشهر الاول ان فاكهين بمعنى سعاده مسرورين - 00:26:20

والمعنى الثاني اللي هو اقل في الشهرة ان فاكه بمعنى عنده فاكهة فاكهين بما اتاهم. وده قرينة بتقول ان المعنى الاول اقرب. يعني

مسرورين سعادة بما اتاهم ربهم ووقاهم عذاب الجحيم. الله! ووقاهم بص هنا فاكهين قصاد ايه - 00:26:43

قصد انا كنا في اهلنا مشفقين. كنا قبل في الدنيا خائفين مشفقين كانوا في الآخرة سعاده مسرورين لا

اجمع على عبدي امنين ولا خوفين كما جاء في الحديث القدسي - 00:27:01

ان خافني في الدنيا امنت في الآخرة وان امنني في الدنيا خوفته في الآخرة. والجزاء من جنس العمل. اللي يخاف ربنا هنا يكون

مسرور هناك. لكن بص العكس كما قال سبحانه وتعالى عن الفاجر والكافر في سورة الانشقاق - 00:27:19

وقال سبحانه وتعالى واما من اوتى كتابه وراء ظهره فسوف يدعوا ثبورا ويلقى ويصل صغيرا. ليه؟ لانه كان في اهله مسرورا. انه ظن

ان لن يا حور. يعني السرور اللي هو فيه كبر وطغيان وغفلة عن الله سبحانه وتعالى - 00:27:36

فاكهين بما اتاهم ربهم ووقاهم عذاب الجحيم يعني الله امنهم من عذاب الجحيم. ودي لوحدها نعيم كفاية. يعني يكفي الانسان

النعميم ان يؤمن من عذاب جهنم ربنا اصرف عنا عذاب جهنم ان عذابها كان غرابا. احساس بس اهل الجنة هم مش هيخشوا النار دي

ابدا. هذا والله من اعظم النعيم. لان الانسان مجبول على ان هو يحب يندفع - 00:27:52

تعند الضرر والشر والسوء ويجلب له الخير. فمجرد احساسه بس ان الضرر بعد عنه دي لوحديها نعيم. غير بقى انك تدينني حاجة

زيادة ده ده دي زيادة بقى ووقاهم ربهم عذاب - 00:28:15

الجحيم كلوا واشربوا هنينا بما كنتم تعملون. متكمين على سرر مصفوفة وزوجناهم بحور عين انتقل بنا الكلام الان في الصورة الى

الى متعة جديدة. يعني خلاص طلعننا الجنات النعيم المعنى بكل صوره اللي احنا اتكلمنا فيه - 00:28:27

انتقل بقى الى تفاصيل. الاول هيبدأ بالاكل. الشرب هيشفوف الزوجات الزرية الخدم. واحدة واحدة قال تعالى اولا كلوا واشربوا

كلوا واشربوا هنينا بما كنتم تعملون. كلوا واشربوا هنينا يعني كلوا واشربوا اكل بلا كدر - 00:28:50

لان طبيعي الاكل يا جماعة لما الواحد يأكل كتير ممكن يصاب بكدر. ممكن يصاب بتخمة ممكن يصاب بامراض ممكن يتخن ممك

يعني يجي له عسرة هضم ممكن موضوع الخلاء ده يكون شاغله - 00:29:12

الاكل في الجنة كل واشرب هنينا. ما في اي كدر. ما في اصلا جوع. ما فيش جوع. انت بتاكل لمجرد تمتع. وبتاكل كتير جدا بدون اي

قلق. النبي عليه الصلاة والسلام قال ان الرجل في الجنة يؤتى قوة مائة رجل - 00:29:26

قوة مائة رجل في الطعام والشراب والجماع. فانت بتاكل عشان تاكل. يعني مش بتاكل عشان تشبع. حتى ما هو ما فيش شبع. ما

فيش لا جوع ولا شبع انما هي عملية تلذذ فقط. تقدعد تاكل وخلالص مجرد ان انت بتتلذذ. وتؤمن من اي عاقبة للاكل. دائمًا انسان في

الدنيا بيفكري يقول لك لا ده فاتس كتير لا - 00:29:42

هنا في كالوريز كتير هنا ممكن اتخن لأننا عامل رجيم لأن ده الاكل ده مش صحي ده كوييس ده بحبه ده محببوش

مفيش الكلام دوت انت امن تماما من اي عواقب سيالة الايه؟ للطعام. فانت بتاكل لمجرد عملية تلز. ومش بتاكل الاكل بتاع الدنيا.
واتوا به متشابها. الاكل هو شبهه - 00:30:02

اسمها لحمة اسمها موز اسمها فاكهة. اسمه اه اه عصير برتقان لكن مختلف تماما. الاسم هو الاسم لكن الطعم مختلف تماما. بل تعوم تنبع وتتجدد حتى لا يحصل ملل. كلوا واشربوا هنئا - 00:30:22

يعني بلا كدر. بما كنتم تعملون. هنا قوله بما كنتم تعملون. الباء دي مهمة جدا. بيقول لك الباء دي باب السبيبة وليس باقي المقابلة. يعني ايه باقي السبيبة؟ يعني بما كنتم تعملون يعني بسبب ما كنتم تعملون وليس بما كنتم تعملون يعني مقابل ما كنتم عملون - 00:30:38

ودي مهمة جدا. لأن النبي عليه الصلاة والسلام قال في حديث اعلموا انه لن يدخل احدكم الجنة ايه؟ بعمله. يعني ايه لا يدخل احدكم الجنة بعمله؟ ايه الباء ديت قالوا ان دي بيسموها باقي المقابلة. بمعنى ايه؟ يعني النبي عليه الصلاة والسلام مش بينفي اثر العمل على دخول الجنة. لأ - 00:30:57

بينفي ان العمل يكون يساوي الجنة. ما فيش كده. يعني عملك مهما كان ما يساويش الجنة لكن عملك يكون سبب في دخولك الجنة مش بيساوي مش مقابل وانما سبب النبي عليه الصلاة والسلام بيقول ما حدش هيدخل الجنة مقابل عمله. يعني عملك يساوي اللي هتشوفه في الجنة. طبعا اللي هتشوفه في الجنة حاجة خيال يا جماعة فوق. فوق كل العمل اللي انت عملته - 00:31:15 وفوق عمل الانبياء نفسهم ولكن قوله بما كنتم تعملون يعني بسبب. وكان الفكرة ايه؟ ان العمل النبي عليه الصلاة والسلام قال لن يدخل احدكم الجنة قالوا ولا انت يا رسول الله؟ قال ولا انا الا ايه؟ ان يتغمدني الله برحمته - 00:31:40

يبقى هنا نفهم منها ان العمل يوصلك للرحمة والرحمة توصلك للجنة. لكن العمل يوصلك للجنة على طول؟ لأ العمل يوصلك للرحمة والرحمة هي اللي توصلك للجنة. فالعمل مهم جدا. ومش هتخش الجنة الا بعمل. لكن مش مقابل العمل ولكن بسبب الايه - 00:31:56 بسبب العمل وده فارق كبير عشان تعرف في الاخر ان انت دخلت بفضل ربنا ومنتها مش تقول انا اللي عملته وسويس هو في الاخر فضل من الله. ده لو عملك - 00:32:15

قابل النعم اللي عليك اصلا انت طالع مديون. فما بالك بقى ان انت بتطلب كمان اجر وجنة بما كنتم تعملون. قال تعالى متكتين. بصل كلمة متكتين دي اصلا لوحدها ريحتك يعني. يعني وانت بتسمعها استريحت. متكتين على سر - 00:32:25 مصفوفة. طيب انا دلوتي كلت وشربت. طب انا وانا باكل واشرب عامل ازاى؟ متكتين. يعني انا مش بقوم اجيب اكل مش بقعد كده واقعد تعبان لأ انت الاكل جنى الجن提ين دان. الشجر بينزل لما انت تعوز تاكل فاكهة. الولدان المخلدون بيجروا في كل حنة عشان يجيبيوا لك الاكل والشرب - 00:32:41

اللي انت عايزة كل حاجة بتوصل لك في مكانك مش تحتاج ان انت تنزل اي اي مجهد عشان توصل لها انت في حالة من الراحة زي ما تعبت في الدنيا بستريح هنا. عشان كده قالوا من ترك الراحة طلب الراحة - 00:33:01

يعني اللي يترك الراحة في الدنيا يستريح في الايه؟ في الاخرة. لكن اللي يستريح في الدنيا وواحد راحته ومش بيشتغل ما يزععش بقى ازا تعب يوم القيمة متكتين. يا جماعة والله هنستريح. هي الدنيا ساعة وهتتعدي والله هنستريح راحة ابدية. في الجنة اسأل الله ان يجعلنا واياكم من اهل الفردوس الاعلى. متتكل - 00:33:16

عليه سرر مصفوفة. سرر جمع السرير. سرر اللي هي لها قباب كده. عارف السرير اللي له قبة كده مزين. سرر مصفوفة. يعني ايه متقابلة متقابلة يعني مش سرر كمان مصفوفة كده صفوف واهل الجنة بيلتقوا على هزه السرر ويكون - 00:33:36 في حالة تقابل وتألف. يعني كمان في صحبة جميلة في الجنة يعني انا متكتي ومستريح وباكل وبشرب واوقيت الايه؟ الجحيم وانا في جنات ونعميم طب انت عايزة ايه تاني؟ الزوجة بقى. انت طماعة بقى. اه ما هو كده. اطعم اطعم. رحمة ربنا واسعة. وربنا قال لهم فيها ما يشاؤون - 00:33:56

قال تعالى عشان انت لسؤالك اللي جاي طب دي الصحبة والاكل والشرب والاسرة والجنات والنعيم المعنوي. الزوجة قال وزوجناهم

بحور عين الله اكبر. الحور قالوا من الحور والحور هو شدة البياض - 00:34:19

شدة البياض يعني شدة البياض قالوا بياضها يعني هي بيضاء الحور بيضاء جدا وقيل البياض المقصود به بياض العين. يعني العين بتكون سوداء جدا. وحول العين ابيض جدا العين واسعة - 00:34:34

سوداء جدا وحولها ابيض جدا. وده من جمال المرأة. تكون صاحبة عين واسعة. وان يكون الایه؟ الحدقة سوداء وما حولها شديد البياض. هذا من كمال جمال المرأة او يكون الحوار المقصود به بياضها هي نفسها. وده لا تعارض هي بتكون بيضاء - 00:34:49 ويكون عينها على الصفة اللي انا قلتها لكم عين يعني واسعة العين آآ وحور يعني بيضاء حول الحلقة السوداء تمام؟ وربنا وصف الحور العين باوصاف كتير في الایه؟ في القرآن كانهن الياقوت والمرجان. ربنا وصفهم باوصاف - 00:35:09

كتير بيحس انسان يشتاق الى الجنة حور عين وحور العين ذكر الحور العين محفز للرجل وللمرأة. ليه البعض يفترض ان ده محفز الرجل بس لأن اهل من المرأة ايضا. لأن كل وصف الحور العين يجعل المرأة تسرح بخيالها. امال انا هبقى عملت زي يوم القيمة. وده بيعفظها جدا. لأن - 00:35:29

مرأة تميل الى الجمال. يعني الحافز للمرأة دايما ان هي تبقى شكلك عامل ازاي هبقى جميلة جمالي هيبقى عامل ازاي؟ هليس ايه؟ آآ هبقى لوني ايه؟ هبقى شكري عامل ازاي؟ زي ما المرأة في الدنيا دي من الحاجات اللي بتحفظها. تحب قوي شكلها - 00:35:53

ممكنتنقدام مرأة كتير جدا علشان وتغير في ثيابها تبدل فساتين وتحطط ميك اب وتشيل ميك اب وتعمل آآ تهتم بتجديد اسمها وبشعرها ده بالنسبة للمرأة موضوع كبير. ممكنا الرجال ما بيهمش في نفسه بکده - 00:36:09

تمام؟ هو يحب المرأة اللي بتعمل كده بس هو ما بي عملش في نفسه كده. لأن دي فطرة يا جماعة. فطرة. ربنا فطر الانسان عليها. فطر المرأة ان هي بتحب هذا النوع من التجميل والتزيين - 00:36:25

وفطر الرجل انه يحب المرأة الجميلة المتزينة فكل واحد له حافز. فالمرأة لما بتسمع عن وصف الحور العين وصف الحور العين في الجنة هي نفسها بتقول امال انا هبقى عاملة ازاي؟ اذا كان اللي ربنا انشأهم من غير عمل عاملين كده. امال انا هكون عاملة ازاي - 00:36:38

ورد في بعض الآثار ان كان فيها مقال ان فضل المرأة من الدنيا على على الحور العين كفضل الزهارة على البطانة عارف لما تبقى تجيئ فرش كده للكنبة ولا حاجة. اهم حاجة عندنا الوش الزهارة اللي الناس هي شوفوه عامل ازاي - 00:36:58

من جهة بقى مش مشكلة اي حاجة في الرواية ان ان فضل المرأة صالحها من اهل الدنيا على الحور العين في جمالها وشكلها وكل حاجة بفضل الزهارة دي على الایه؟ على البطانة. فهي ملكة وهم وصفات - 00:37:18

حول الملكة. ليه؟ لأن هي دخل الجنة بعمل وحور العين ما دخلوش الجنة بعمل. فربنا بيخاطب كل واحد بما يناسب فطرته فترة الرجل انه يحب المرأة الجميلة وفترة الرجل انه - 00:37:34

يحب ان يكون له عدة نساء الله فطر الرجل على ذلك مش احنا اللي اخترنا كده. هي دي فترة في الرجل. وما عنده مشكلة ما عنده تعارض ما يحسش ان هو عنده تعارض. ممكنا فعلنا يكون لكندا امرأة - 00:37:50

بلا اي تقصير وبلا اي اشكال عندهم يحس ان في مشكلة مش حاسس ان ده شيء مش طبيعي. بل يشعر ان ده شيء طبيعي. خلاف المرأة المرأة ربنا لم يخلقها مفطور على ذلك بفطرتها - 00:38:03

اذا مالت تميل الى رجل واحد ولا تتصور نفسها لعدة رجال المرأة لا تتصور نفسها كذلك مجرد تصور ان هي لعدة رجال في وقت واحد باحساس عندها المرأة السوية طبعا. ما ما بتحس ان فيه حاجة غلط - 00:38:17

بتشعر ان هي لأ مش المفروض اكون كده تمام انتم متخيلين التفكير عامل ازاي؟ اللي انا بقوله ده اسمه ايه؟ فطرة يعني ايه فطرة؟ يعني ربنا يجب الانسان على حاجة معينة - 00:38:34

حاجة كود كده معين في شخصه بيخلية بيحدد تصوراته اديك مسال الان الاسد الاسد الاسد بيقتل يقتل صح؟ هل الاسد بيعتبر ان

القتل جريمة؟ لأ ده عادي انا باكوي ده اكل عيشي يعني - 00:38:47

انا بالنسبة لي لما بشوف مسل اسد بيفترس انا لنفسي بقول يع ليه؟ انا انا بفطرتي بحس اللي حصل ده وحشية وجريمة هو مش حاسس كده دي فطرته كده. وانا فطرتي ان انا بشوف - 00:39:06

ان دى ان ديت حاجة فيها وحشية فيها اعتداء فما ينفعش تقيس فطرتك على فطرة غيرك. ما ينفعش ان احنا نحاكم الاسد يعني هي فطرته كده كذلك الرجل مثلا مش من فطرته ان هو بيهم بجماله - 00:39:21

كده ربنا ما فصلش في جمال الرجال في الجنة. ان الرجال مش مش هي دي الحاجة بالنسبة له الحافز. وانما وصف له زوجته من حور العين هتبقى عاملة ازاى وبابن ليه ان هيبقى عليه عدة زوجات. زي ما كان في الدنيا ربنا اباح له عدة زوجات ولم يبح للمرأة - 00:39:40

عدة ازواج لان هي الفترة كده وفي نفس الوقت وصف الحور العين بحبس المرأة تتحفظ العمل تقول يا سلام! او مال انا هبقى عاملة ازاى في نفس الوقت المرأة ما تشغلك نفسها بقصة ان رجل في الجنة يكون له عدة زوجات ما فيش غيره في الجنة ما فيش حزن ما فيش نكد ما فيش مشاكل - 00:40:00

مش هيبقى حد حاسس باي مشكلة. الجميع هيكون في نعيم. كل واحد منعم بما يناسبه وبما يليق به. والله تعالى سيرضي الجميع وزوجناهم بحور عين. بعد كده انتقل بنا الكلام الى بقى ايه؟ نعلى بقى شوية - 00:40:21

طيب بالنسبة طب دي الزوجة والاكل والشرب والاتكاء وعرفنا الكلام ده كله. طب بالنسبة اولادي انا انا احبابي مع اولادي. ربنا يطمنك قال والذين امنوا الله اكبر واتبعتهم ذريتهم بایمان - 00:40:36

الحقنا بهم ذريتهم. الله اكبر! وما التناهم! يعني ما انقصناهم من عملهم من شيء كل امرئ بما كسب رهين. دي نعمة من الله. ابن عباس بيقول ان الله تعالى ليرفع ذرية العبد المؤمن في درجته - 00:40:52

لكي ينعم بهم ويسعد بهم. ان الله ليرفع ذرية المؤمن ولاده يرفعهم اليه الى درجته حتى يتنعم انا عايز اشوف ولادي نفسي يكونوا معي. طب والله ابني اقل مني في العمل. ما عملش نفس العمل اللي انا عملته. فالله تعالى ليرفع اللادنی الى الاعلى. عشان - 00:41:08 نعم الرجل والذين امنوا واتبعتم ايه ذريتهم بایمان هنا اختلاف المفسرون قال هو الكلام ده في الصغار ولا الكبار اختلفوا ليه؟ قالوا لان الآية ربنا قال واتبعتهم ذريتهم بایمان اتبعهم - 00:41:29

البعض قال الكلام على الكبار اللي هم اتبعوا ابائهم في اليمان يعني كان لهم عمل كان لهم عمل. عشان كده في اثر ابن عباس ابن عباس قال ان الله لا يرفع ذرية المؤمن اليه وان كانوا دونه في العمل. فالناس مسکوا في - 00:41:49

موضوع العمل وقالوا طالما ربنا بيتكلم على العمل يا بيتكلم على الشخص اللي له عمل ولالي له عمل هو الكبير الكلام هنا على الكبار هم اللي دول اللي يلحقوا بابائهم - 00:42:08

ده قول القول الثاني قال لأ الكلام على الصغار لان ده فضل من الله. يعني انهي اولى الكبير يلحق بابي ولا الصغير اللي هو اصلا ربنا ادخله الجنة ابتداء يعني ربنا ادخله الجنة فضل. طب خلاص ادخله الجنة ادخله الجنة من غير عمل - 00:42:20

اصلا فما المانع ان هو يلحق الصغير دوت بابيه لذلك القول الوسط ان فضل ربنا واسع وكلمة الزرية دي تشمل الصغير والكبير عشان كده الآية دي فيها قراءتين القراءة الاولى - 00:42:40

والذين امنوا واتبعتهم ذريتهم. قراءة تانية والذين امنوا واتبعناهم ذرياتهم واتبعناهم. ربنا قال احنا عملنا كده اتبعناهم ذريتهم خد بالك من فرق القراءتين القراءة الاولانية بتقول هم اتبعوا. والقراءة الثانية بتقول احنا عملنا - 00:43:00

معنى ربنا قال في الاولانية والذين امنوا واتبعتهم ذريتهم. فقالوا ان الاولانية دي تحمل على الكبار. لأن الكبار هم اللي اتبعوا هم اللي عملوا عمل اهو تبعتهم ذريتهم بایمان. بس عملوا في الآخر كان اقل من ابيه. فلحق اللادنی بالاعلى - 00:43:23

الآية الثانية القراءة الثانية بتقول ايه؟ والذين امنوا واتبعناهم. يعني احنا اللي عملنا كده. احنا اتبعناهم ذرياتهم. بایمان فقالوا ان القراءة الثانية ان ربنا بينسب الامر لنفسه واتبعناهم ذرياتهم فدوت يحمل على الصغار - 00:43:42

الله تعالى اعلم الفضل كبير ربنا فضله كبير. وان ما فيش مانع ان الايه؟ ان ان الاية تكون في الصغار والكبار. ويبقى دى منة من ربنا
اني نعم الاباء بان يكون معهم ابناءهم سواء الصغير او الكبير يرتفع الادنى الى الايه؟ الى الاعلى. وعلى فكرة - 00:43:59

آآفي قاعدة مهمة. ان مش معنى ان احنا في مكان واحد في الجنة ان احنا بنفس النعيم برضو هيكون للي عمله اعلى نعيم اكتر
شوية مسال النبي عليه الصلة والسلام وزوجاته. مش هم في مكان واحد؟ اكيد - 00:44:19

النبي عليه الصلة والسلام معه زوجاته في الجنة صح هل نعيم النبي عليه الصلة والسلام زي نعيم زوجاته؟ لأ اكيد لأ طبعا تمام؟
وبالتالي ممكن اكون انا وانت في مكان واحد لكن نعيمنا مختلف - 00:44:36

فالمنة من ربنا انه ييرفع الادنى للالعالي علشان الاب ينعم بان هو بيخلط ابنه وبيكلمه وبيشوفه على طول لكن وارد يكون بظل ان
الاب له نعيم اعلى من ابنته علشان هو عمل اكتر منه. والله تعالى اعلم. لكن الفكرة ان يرتفع الادنى الى الاعلى سواء بعد كده استوفوا
النعيم او ما استوفوش في النعيم بس بس فكرا - 00:44:55

ان انت قاعد مع ابنك على طول شايفه على طول طبعا احنا ستنا واحد ما بقاش فيه اب وابن يعني. يعني ما فيش حد اكبر من حد
هو كله سن واحد. بس كوني بشوف ابني مسلا او بنتي - 00:45:19

او الابن بقى يشوف والده حاجة جميلة جدا. حاجة جميلة جدا. طب لو العكس لو الابن هو اللي اعلم الاب ورد في بعض الاحاديث ان
النبي عليه الصلة ان في بعض اللاثار ان رجل ترفع درجته في الجنة - 00:45:29
ترفع اهي درجته في الجنة. فيقول يا رب بما رفعت يقال باستغفار ولدك لك. الاستغفار ولدك لك. اذا مات ابن ادم انقطع عمله الا من
ثلاث ذكر. ولد صالح يدعوه له - 00:45:44

فلما الولد يدعى لابوه في الدنيا الاب يرتفع في النهاية حسب بقى لو كان الاب منزلته اعلى من الابن ربنا يرفع الابن الى الايه؟ الى
الاب طبعا ممكن واحد يتخييل يقول طب ما ممكن ياخذ من الاب ويدى للابن وبيقولوا ايه - 00:45:58
بيقولوا في منزلة متوسطة لا الاية قالت وما التناهم من عمل من شيء. يعني ما انقصناهم التناهم يعني انقصناهم. ما بناخدش من
الاعلى حاجة. احنا ارفع لتحت لي فوق بس من غير ما ناخد حاجة من اللي فوق - 00:46:14

وما التناهم يعني انقصناهم من عملين من شيء. وبعد كده قال كل امرى بما كسب رهين. هنا الاية كل امرء بما كسب رهين يعني في
موضوع السيئات. عشان ما حدس - 00:46:28

تخيل ان ممكن يحصل زي كده في النار. يعني لو مسلا في النار حد في النار وابنه في النار لاقدر الله. هل ممكن يحصل حاجة زي
كده؟ ان الادنى يطلع لاعلى؟ لا. ده - 00:46:38

في الحسنات بس يحصل في الجنة بس كان ما يحصلش في النار. لأن في النار يقام العدل التام. كل امرى بما كسب رهين. يعني لو
حد بيعدب النار فكل واحد بيأخذ اللي عمله بس مش هنزوود على حد اي حاجة في العقاب. ولكن في الجنة والثواب ده فضل من ربنا
يؤتيه من يشاء - 00:46:48

كل امرى بما كسب رهين ثم قال تعالى كمل بقى وامددناهم دي فاكهة امددهناهم تحس في مدد في زيادة وامددناهم بفاكهه. الله اكبر
وده يدل ان فاكهين اللي ذكرت في الاول معناها سعداء. لأن هو قال بعد كده وامددناهم بايه؟ بفاكهه. ولحم مما يشتهرون. كل بقى زي
ما انت عايز - 00:47:09

عايزه مشوي عايزه عايزه باي شكل عايز تأكل دقن عايز تأكل حمام عايز تأكل محشي عايز تأكل مما يشتهرون يا
جماعة يا جماعة تخيل كل اللي انت عايز تتخيله. الناس يا جماعة دلوقتني في الدنيا بتستمتع ان هي ترى بس فيديوهات صناعة
الاكل - 00:47:32

ما بالك لو كلوا ما بالك لو في الجنة بقى. يعني اذا كان انا في الدنيا من متع الدنيا تتفرج على فيديوهات صناعة الطعام. بس من غير
ما تأكله فما بالك لو انت بقى كلت في المطعم ده من اعلى متع الدنيا - 00:47:49

ما بالك بقى لو لو في الجنة امال الاكل في الجنة هيبقى عامل ازاي امال لحم طاير مما يشتهرون دي عاملة ازاي؟ وامددناهم بفاكهه

ولحم مما يشتهون طيب كلنا كوييس وكلنا فاكهة وكلنا لحم طب عايزيين نشرب بقى - [00:48:05](#)
قال يتنازعون فيها كأسا. الله اكبر يتنازعون فيها كأسا وكلمة كأس في القرآن تطلق على الخمر. العرب تسمى الحاجة اللي فيها خمر [00:48:22](#) تسميها كأس. فكلمة كأس اذا قيل يعني محتواه خمر. عشان كده قال كأس لا لغو فيها ولا تأثير. كأس يعني كأس خمر - [00:48:43](#) لا لغو فيها ولا تأثير ما معنى يتنازعون؟ ما معنى يتنازعون؟ تنازعون من التنازع يعني قاعدين يضربوا بعض مسلا على الكأس لأ. هنا معنى يتنازعون يعني يتداولون الكؤوس. لأن الفكرة ايه؟ تخيل معي ان احنا قاعدين في الجنة اكل وشرب ولحم. وبعد كده في كؤوس كتير - [00:48:43](#)

فيها فيها انواع من الخمر خمر الجنة. انواع من الخمر انواع واطعمة. وكلها اطعمة هتبقي طبعا طيبة في الجنة فكأن فيه قدامنا كتير [00:49:08](#) واحدنا كلنا قاعدين بنأكل ونشرب فانا اشرب وانت تشرب وبعد كده تقول لي طب جربت ده. اقول لك لا ما جربت. طب خد انت جرب ده. طب جربت ده؟ خد جرب ده. لا ده طعمه مختلف. لا ده طعمه احلى. طب انت - [00:49:08](#)

ده قاعدين احنا ايه مش بس بشرب ده انا بشرب ويبيتعزم علي. لا جرب ده قاعدين نتبادل. نتداول الكؤوس. جميل. جميلة الجنة. [00:49:30](#) يتنازعون فيها كأس والكأس دي لا لغو فيها ولا تأثير. لا لغو يعني ما تسببيش ان عقلك يروح فيحصل ان انت تتكلم كلام باطل زي بتوالي بيشربوا خمر. بيشتتم - [00:49:30](#)

ويكفر الخمر ام الخيائث. لا الجنة لا لغو لا لغو. ولا تأثير ما بتعملش افعال فاحشة. اللي بيشرب خمر طاعة ممكن يضرب ممكن يقتل [00:49:53](#) ممكن يزني ممكن يسرق ممكن يغتصب واحدة ممكن يعمل مصيبة سودا. ممكن يتبول على نفسه بيحصل اللي يشربه خمر -

لكن دي لا تسبب لغو لا تسبب تأثير ولا تسبب صداع ولا يغيب عقلك. لا لغو فيها ولا تأثير. طب وبعدين عايزيين كمان نعيم تاني؟ [00:50:14](#) احكي لنا بقى ايه ايه الخدم ويطوف عليهم غلمان لهم - [00:50:14](#)

كانهم لؤلؤ مكنون. يطوف عليهم غلمان. يطوف بالحركة. عندك الخدم غلمان. ليه؟ عشان ده مناسب للبيت البيت ده فيه حور وفيه [00:50:30](#) امرأة وفيه نساء وفيه زوجاتي والكلام ده. فالاطفال لما بيبيقوا خدم ما حدش بيتحرج منهم - [00:50:30](#)

فرينا جعل الخدم آآ غلمان صغار. طب الغلمان دول عاملين ازاي؟ يطوف يعني حركة طول النهار ليه طلبات كتير انا طول النهار بطلب الغلمان لا يتوقف عن الحركة. لزلك رينا وصفهم ان هم زي اللؤلؤ ايه؟ لؤلؤ منتشر. عارف يعني ايه لؤلؤ منصور؟ عارف يجيبي لقالق [00:50:48](#) كده تروح راميها كده على السيراميك مسلا - [00:50:48](#)

تجري هم بقى حركتهم كده من كتر طلبات اهل الجنة. رايح جاي رايح جاي رايح جاي. وشكليهم جميل. ربنا وصفهم ان هم لؤلؤ [00:51:09](#) مكنون يعني ايه لؤلؤ؟ هم شمع اللؤلؤ في قال الاول في البياض. ابيض جدا - [00:51:09](#)

نمرة اتنين في الصفاء البشرة صافية جدا نمرة ثلاثة في الاستدارة وشه مدور كده عارف الطفل اللي وشه مدور وابيض وجميل كده [00:51:25](#) وخدوده كبيرة كده وصافية جدا من اجمل ما ترى العين - [00:51:25](#)

ابيض مستدير شديد الصفاء ربنا وصفه لؤلؤ مكنون. ليه؟ لأن الخدام بيقول لك من كتر الخدمة بيبيهت. عارف الخدامين؟ بعد الخدمة تحس خلاص تعب. بشرته بقى اصفرت جسمه لأ دولا على طول زي لؤلؤ المكنون لأنك ما لمستوش. يعني بيفضل في حالة دائمة من [00:51:45](#) النضارة والصفاء والبهاء - [00:51:45](#)

والمعان الجميل دوت وربنا سبحانه وتعالى آآ بيبيين في الوصف ده حاجة مهمة جدا. تدبرها ده وصف مين يا جماعة؟ وصف [00:52:10](#) الخدامين فما بالك بالمخدوم ازا كان هزا وصف الخادم - [00:52:10](#)

فكيف الظن بالمخدوم امال احنا هنبقى شكلنا عامل ازاي؟ امال النساء هيبيقوا عاملين ازاي؟ امال انت في الجنة هتبقي عاملة ازاي؟ [00:52:31](#) ازا كان الخدام عندك عامل زي اللؤلؤ المكنون - [00:52:31](#)

يطوف عليهم غلمان لهم لأنهم لؤلؤ مكنون. اطلب زي ما انت عايز كل حاجة بتجي لك ويطوف عليهم غلمان لهم لأنهم لؤلؤ مكنون ثم [00:52:31](#) قال تعالى نبين بقى حال من احوال الجنة ان احنا قاعدين مع بعض بقى من الحاجات الجميلة متعة في الجنة ان احنا بنقعد نفترك -

وربنا يذكرنا بكل زكرياتنا الجميلة. ايه هي زكرياتنا الجميلة في لما نروح الجنة؟ زكرياتنا الجميلة هي عبادة ربنا كل حاجة هتعتبر بالنسبة لك ما لهاش قيمة. لأن انا لما دخلت الجنة انا عارف انا دخلت ليه؟ وبسبب ايه - 00:53:03

الذكرى الجميلة في الجنة هو السبب اللي جابني هنا لذلك اهل الجنة بيقدعوا مع بعض بقى خلاص بقى ما احنا اكلنا وشربنا والغلمان وقادعين ومتكين هندردش بقى. يا ترى هندردش فيه ونتكلم فيه ايه؟ هنتكلم في زكرياتنا الجميلة ايه - 00:53:18
الجميلة زكرياتنا الجميلة هو يوم ما قعدنا ندعوي ربنا زكرياتنا الجميلة يوم ما بكيت من خشية الله. زكرياتي الجميلة السجدة اللي كنت خاشع فيها. زكرياتنا الجميلة للاعتكاف اللي كنا فيه مع بعض. زكرياتنا الجميلة - 00:53:33

اللي كنا بنروحه مع بعض. زكرياتنا الجميلة هي حلقة القرآن والدار هي دي زكرياتنا الجميلة واقبل بعضهم على بعض يتتساءلون ها انت دخلت الجنة ليه؟ انت تفتكر ايه اللي جابنا هنا الجنة - 00:53:48

قالوا كلهم اتفقوا على اجابة واحدة. انا كنا قبل في اهلا مشفقين اللي جابنا الجنة هنا ان احنا كنا خايفين من ربنا. بنخاف ربنا في الدنيا. بنتقي ربنا. عشان كده قال في الاول ان المتقين ما هو اللي بيتقي ربنا - 00:54:02

ده اللي بيخاف منه كنا مشفقين تمام كما قال سبحانه وتعالى والذين هم من عذاب ربهم مشفقون. وقال عنهم والذين يؤتون ما اتى وقلوبهم وجلة انهم الى ربهم راجعون كل ما الانسان يخاف ربنا - 00:54:19

عشان كده الحسن البصري قال كلمة مخيفة جدا قال ينبيغي لمن لم يشفق ان يخاف الا يكون من اهل الجنة. لأن الله وصف اهل الجنة بانهم كانوا قبلوا في اهلهم مشفقين - 00:54:37

يا ترى انت بتخاف من ربنا؟ انت بتخاف من ربنا؟ انت حاسس ان انت في الدنيا مشفق؟ ماشي كده بتخاف ان ربنا بتفكر بتفكر قبل ما تبع لواحدة. بتفكري قبل ما تغش - 00:54:55

بخاف ان انا اضيع صلاة بخاف ان حاجة تبان من جسمي حتى لو دراع حاجة بسيطة على طول بتعدلي في شعرك عشان ما بیانش على طول بتتأكد النسيان على طول بتتأكد انك انت كلمة ما جرحتش حد على طول متأكد ان انت صليت الصلاة في وقتها. عايش في حالة من - 00:55:05

الخوف الدائم انك تعصي ربنا مع رجاء ان انت تخش الجنة انا كنا قبل في اهلا مشفقين يبقى هم اول من او صافهم كانوا مشفقين من عقاب الله سبحانه وتعالى يخافون من لقاء الله سبحانه وتعالى - 00:55:26

بعض بقى الجمال اللي جاي فمن الله علينا يعني كمان مش بس هم طبعا لهم عمل واضح ان لهم عمل جامد دئوب رائع بس هل احنا بنقول احنا جامدين؟ لا - 00:55:46

احنا دخلنا الجنة بعملنا واحنا نستحق لأ ما تنساش لن يدخل احدكم الجنة بعمله هم عارفين ان العمل ما يساويش اللي احنا فيه قطعا وانما كل ده فضل من الله. عشان كده قالوا فمن الله علينا. يعني كمان جمعوا بين العمل والتواضع. جمعوا بين العمل والانكسار. جمعوا - 00:55:59

بين العمل وهضم الزات الله اكبر ما فيش كبر ما فيش عقم ما فيش انا عملت فمن الله علينا. الله اكبر. اعتراف لله بالفضل والمنة دي وصفة اهل الجنة يا جماعة. عمل شديد - 00:56:21

خوف تواضع عمل خوف تواضع لكن كسل مع غرور مع يعني يعني آآ خلاص ان انت ضامن ان انت من غير خوف ده وصف ما نعرفش ان اهل الجنة كده خالص. اهل الجنة عمل - 00:56:35

خوف تواضع فمن الله علينا. اعتراف لله بالفضل والمنة. ووكانا عذاب السموم. قالوا عذاب السموم يعني عذاب النار عذاب النار شديدة الحر تسمى سموم ليه؟ سموم لأن من شدة الحر الدخان بيخترق المسام. فسميت عذاب السموم من شدة الحرارة الحرارة - 00:56:55

تخترق المسام فسمى عذاب السموم وبعد كده من زكرياتهم الجميلة قالوا انا كنا من قبل ندعوه. الله اكبر. انا كنا من قبل ندعوه. معنى

ايه من قبل ندعوه. ندعوه تحتمل معانيين. ندعوه يعني بندعى. نرفع ايدينا بالدعاء ونقول يا رب - 00:57:19

وندعى ربنا ونطلب منه يبقى ده كان حالهم دايما. يبقى يا جماعة او عى تكسل تدعى ما تكسلش تدعى في سجودك. اهل الجنة هيحكوا ان دي من زكرياتهم الجميلة. اصنع زكرياتك الجميلة في الدنيا. من زكرياتك الجميلة الدعوة اللي هتقولها في السجود. من زكرياتك الجميلة - 00:57:39

الدعوة اللي هتقولها بعد ركعة الوتر او في ركعة الوتر من زكرياتك الجميلة الدعاء اللي قلته في الحرم واللي قلته في يوم عرفة واللي قلته في المسجد واللي قلته في الاعتكاف ادعى كتير - 00:57:55
عشان في الجنة هيقي عندك زكريات جميلة تحكيها. ادع لصاحبك واقعدوا مع بعض ادعوا لبعض انا كنا من قبل ندعوه اصنع زكرياتك الجميلة في الدنيا بالدعاء وقيل المعنى الثاني ندعوه المعنى الاعم للدعاء. الدعاء بمعنى العبادة يعني. بمعنى العبادة. وده طبعا مناسب جدا. لأن اكيد اهل الجنة ما كانوش - 00:58:05

في الدنيا بيدعوا ربنا بس مش انا قاعد ما باصليش ما باصومش واقعد ادعى ربنا وخلاص لأ طبعا انما ندعوه لي معنى اوسع وهو العبادة لأن الدعاء يسمى العبادة تسمى بالدعاء. وقال ربكم ادعوني استجب لكم ان الذين يستكبرون عن عبادتي. فالدعاء بيسمى العبادة والعبادة تسمى بالدعاء - 00:58:30

تمام؟ فلما اعتزلهم وما يبعدون. فممكن نسمى الدعاء في القرآن يأتي بمعنى العبادة المهم انا كنا من قبل ندعوه يعني كنا نعبده كل بقى
حط تحت نعبده دي كل العبادات. صلاة صوم زكاة بر والدين صلة رحم امانة صدق خشوع كل حاجة - 00:58:51
حب القرآن حفظ القرآن دعوة الى الله دي زكرياتنا الجميلة. اصنع زكرياتك الجميلة بالدعوة الى الله. هتفتكر السجدة والركعة ويوم ما
كلمت الشباب. ويوم ما ما كلمت صاحبتك ودعتيها الى الله - 00:59:13

افتكر العمرة والاعتكاف اي حاجة بقى اكل وشرب واللعب والجيمز والموبايل والسوشیال ميديا مش هي دي زكرياتك الجميلة
اصنع زكرياتك الجميلة. انا كنا من قبل ندعوه. وبعد كده كملوا كلامهم بالجملة الجميلة العالية قوي. انه هو البر الرحيم. ما ما قالوش -
00:59:26

اننا نحن الجامدين العباد اللي كنا بنعمل لأنما هو هو البر. البر يعني البر يعني الذي بلغ المنتهى في الخير
والاحسان. البر هو الذي باحساني وبخيري سبحانه وتعالى. البر الرحيم. يا سلام! الاسمين دول بالذات وكأنهم بيقولوا احنا هنا بسبب
بسبيخيره. بسبب فضله علينا - 00:59:46

احسانه وبسبب رحمته ما دخلناهاش الا برحمته. ووصلنا هنا برحمته انه هو البر الرحيم. لذلك كان انساب اسمين فعلا يتقالوا في المقام
ده ان يوصي الله بالبر الرحيم فنسأله الله سبحانه وتعالى باسمه البر الرحيم. ان يلحقنا باهل الجنة - 01:00:12
وان يدخلنا الفردوس الاعلى بغير حساب ولا سابقة عذاب. ورد في بعض الآثار ان رجل مر على بيت عائشة رضي الله عنها فوجدها
تصلي. فسمعها تقرأ هذه الآية فمن الله علينا ووكانا عذاب السموم. انا كنا من قبل ندعوه. فقال ايه؟ يروح السوق ويرجع لها. فراح
السوق وقعد مدة طويلة في السوق. ثم عاد - 01:00:31

تواجد السيدة عائشة ما زالت قائمة بهذه الآية تصلي بها وصلت بها طوال الليل وكانت تبكي طوال الليل بهذه الآية. فخلونا نأخذ الآخر
دوت ونقول يلا بنا نحفز الصفحة دي اللي اتعلمناها ونصللي بها. وكل ما قررت على الآية دي افتكر ان السيدة عائشة قعدت ليلة كاملة
تصلي بها وتبكي - 01:00:51

طوال الليل وهي تذكر المشهد دوت يا ترى هنكون في المشهد ده عاملين ازاي؟ الواجب يا جماعة نسمع الحلقة كوييس نتدبر كوييس
طلع الفوائد نكتب الفوائد نحولها الى عمل نحفظ الصفحة نصلي بها وانتظروا الحلقة القادمة باذن الله تعالى والصفحة الجديدة تقبل
الله منا ومنكم صالح الاعمال جزاكم الله خيرا - 01:01:11

حسن المتابعة سبحانه اللهم ربنا وبحمدك اشهد ان لا اله الا انت استغفرك واتوب اليك - 01:01:31